

decret davart üna zona da planisaziun per la Zona d'indigens

In occasiun da sia tschanteda dals 17 avrigl 2024 ho la suprastanza cumünela decreto, a basa da l'art. 21 da la ledscha davart la planisaziun dal territori pel chantun Grischun (KRG), üna zona da planisaziun per l'intera Zona d'indigens (art. 21 da la ledscha da fabrica da la vschinauncha da S-chanf), e que culs seguaints böts:

- a) Examiner e realiser imsüras per garantir l'adöver scu prümas abitaziuns illa Zona d'indigens. tenor l'art. 21 da la ledscha da fabrica da la vschinauncha da S-chanf e per eviter abüs e svilups na giavüschos, in speciel ün adöver dal spazi d'abiter scu seguondas abitaziuns;
- b) Reveder las prescripziuns cumünelas surtuot davart regulaziuns complementeras tenor l'art. 3 al. 2 e l'art. 12 da la ledscha davart seguondas abitaziuns dals 20 marz 2015 in connex culs sforzs per garantir l'adöver dal spazi d'abiter scu prümas abitaziuns illa Zona d'indigens, tenor l'art. 21 da la ledscha da fabrica da la vschinauncha da S-chanf.

Illa zona da planisaziun nu suos-cha gnir fat ünguotta chi pudess cuntrafer a la nouva planisaziun. In speciel sun be permissas venditas illa Zona d'indigens, scha quellas nun haun per consequenza üna perdita d'abitaziuns per indigens.

La suprastanza cumünela as resalva il dret da concretiser respectivmaing d'adatter la zona da planisaziun a tuot temp e tenor bsögn a la planisaziun güst actuela. Quista zona da planisaziun vela per intaunt fin als 17 avrigl 2026 (duos ans).

Cunter quist decret davart la zona da planisaziun po gnir fat ün recuors da planisaziun tar la Regenza grischuna infra 30 dis daspö sia publicaziun (art. 101, al. 1 KRG).

Suprastanza cumünela S-chanf

S-chanf, ils 30 avrigl 2024